

T 2511  
8243

CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
SEP 1 1938

世  
一  
之  
八



車記卷第八

通志一百九十三

西涼

李暠

歆

夏

赫連勃勃

昌

定

後梁

蕭詧

歸

琮

綽



五十一甲

通志或已卷八



巖

岌

岑

瓏

蔡大寶

王操

魏益德

尹正

甄玄

岑善

宗如周

袁敞

西涼

李嵩字玄盛小字長生隴西成紀人姓李氏漢前將軍  
 廣之十六世孫也庶曾祖仲翔漢初為將軍討叛羌于  
 素昌素昌即狄道也衆寡不敵死之仲翔子伯考奔喪  
 因葬于狄道之東川遂家焉世為西州右姓高祖雍曾  
 祖柔仕晉並歷位郡守祖弇仕張軌為武衛將軍安世  
 亭侯父昶幼有令名早卒遺腹生嵩少而好學性沉敏  
 寬和美器度通涉經史尤善文義及長頗習武藝誦孫  
 吳兵法嘗與呂光太史令郭騰及其同母弟宋繇同宿



通志軍訓第一  
磨起謂繇曰君當位極人臣李君有國土之分家有駟  
草馬生白額駒此其時也呂光末京兆段業自稱涼州  
牧以敦煌太守趙郡孟敏為沙州刺史署高毅令敏  
尋卒敦煌護軍馮翊郭謙沙州治中敦煌索仙等以高  
溫毅有惠政推為寧朔將軍敦煌太守高初難之會宋  
繇仕於業告歸敦煌言於高曰兄忘郭磨之言邪白額  
駒今已生矣高乃從之尋進號冠軍稱藩于業業以高  
為安西將軍敦煌太守領護西胡校尉及業僭稱涼王  
其右衛將軍索嗣構高於業乃以嗣為敦煌太守率騎

三百而西未至二十里移高使迎已高驚疑將出迎之  
效毅令張邈及宋繇止之曰呂氏政衰段業闇弱正是  
英豪有為之日將軍劇一國成資柰何束手於人索嗣  
自以本邦謂人情附已不虞將軍卒能距之可一戰而  
擒矣宋繇亦曰大丈夫已為世所推今日便授首於嗣  
豈不為天下笑乎大兄英姿挺傑有雄霸之風張王之  
業不足繼也高曰吾少無風雲之志因官至此不圖此  
郡士人忽爾見推向言出迎者未知士大夫之意故也  
因遣繇覘嗣繇見嗣噤以甘言還謂高曰嗣志驕兵弱



易擒耳於是遣其二子以讓與邈繇及司馬尹建興等  
逆戰破之嗣奔還張掖曰尚素與嗣善結為刎頸交反為  
所構故深恨之乃罪狀嗣於段業業將沮渠男成又惡  
嗣亦勸業除之業乃殺嗣遣使謝嵩分敦煌之涼興烏  
澤晉昌之宜禾三縣為治以興郡進嵩持節都督涼興已  
西諸軍事鎮西將軍領護以西夷校尉時有赤氣起于嵩  
後園龍跡見于小城隆安四年晉昌太守唐瑤移檄六  
郡推嵩為大都督大將軍下涼州領秦涼二州牧護羌校  
尉嵩乃赦其境內建年庚子追尊祖弇曰涼景公父

相涼簡公以唐瑤為征東將軍郭謙為軍諮祭酒索仙  
為左長史張邈為右長史尹建興為左司馬張體順為  
右司馬張條為牧府左長史令狐溢為右長史張林為  
太府主簿宋繇張謨為從事中郎繇加折衝將軍謨加  
揚武將軍索承明為牧府右司馬令狐遷為武衛將軍  
晉興太守汜德瑜為寧遠將軍西郡太守張靖為折衝  
將軍河湟太守索訓為威遠將軍西平太守趙開為駢  
馬護軍大夏太守索慈為廣武太守陰亮為西安太守  
令狐赫為武威太守索術為武興太守以招懷東夏又



遣宋繇東伐涼興并擊玉門巴西諸城皆下之遂屯玉  
門陽關廣田積穀為東伐之資初呂光之稱王也遣使  
市六璽玉於于寘至是玉至敦煌納之郡府仍於南門  
外臨水起堂名曰靖恭之堂以議朝政閱武事圖讚自古  
聖帝明王忠臣孝子烈士貞女曷親為序頌以明鑒戒之  
義當時文武羣寮亦皆圖焉有白雀翔于靖恭堂曷觀之  
大悅又立泮宮增高門學生五百人起嘉納堂於後園以  
圖讚所志義熙元年曷改元為建初遣舍人黃始梁興間  
行奉表詣建康稱藩求稟正朔曷謂群僚曰昔河右分崩

羣豪競起吾以寡德為衆賢所推何嘗不忘寢與食思  
濟黎庶故前遣母弟繇董率雲騎東殄不庭軍之所至  
莫不賓下今惟蒙遜鷄時一城自張掖已東晉之遺黎  
雖為戎虜所制至於向義思風過於殷人之望西伯大  
業須定不可安寢吾將遷都酒泉漸逼寇宄諸君以為  
何如張邈贊成其議曷大悅曰二人同心其利斷金張  
長史與孤同矣夫復何疑乃以張體順為寧遠將軍建  
康太守鎮樂涇徵宋繇為右將軍領敦煌護軍與其子  
敦煌太守讓鎮敦煌遂遷居于酒泉初曷之西也留女



通志書言卷第... 五  
敬愛養於外祖尹文文既東遷嵩從姑梁襄之母養之  
其後禿髮儁擅假道於北山鮮卑遣襄送敬愛于酒泉  
并通和好嵩遣使報聘贈以方物嵩親率騎二萬略地  
至于建東鄯善前部王遣使貢其方物沮渠蒙遜來侵  
至于建康掠三千餘戶而歸嵩大怒率騎追之及于彌  
安大敗之盡取所略之戶初苻堅建元之末徙江漢之  
人萬餘戶于敦煌中州之人有田疇不闢者亦徙七千  
餘戶郭謩之寇武威張掖已東人西奔敦煌晉昌  
者數千戶及嵩東遷皆徙之于酒泉分南人五千戶置

會稽郡中州人五千戶置廣夏郡餘萬三千戶分置為  
威武興張掖三郡築城於敦煌南子亭以威南虜又以  
前表未報復遣沙門法泉間行奉表建康願竭誠盡節  
為國輸力嵩既遷酒泉乃敦勸稼穡羣寮以年穀頻登  
百姓樂業請勒銘酒泉嵩許之於是使儒林祭酒劉彥  
明為文刻石頌德既而蒙遜每年侵寇不止嵩志在以  
德撫其境內但與通和立盟弗之校也是時白狼白兔  
白雀白雉白鳩皆棲其園囿其羣下以為白祥金精所  
誕皆應時邕而至又有神光甘露連理嘉禾衆瑞請史



官記其事嵩從之尋而蒙遜背盟來侵嵩遣世子歆要  
擊敗之獲其將沮渠百年嵩乃脩敦煌舊塞東西二圍  
以防北虜之患築敦煌舊塞西南二圍以威南虜嵩以  
緯世之量當呂氏之末為羣雄所奉遂啓霸圖兵無血  
刃坐定千里謂張氏之業指期可成河西十郡歲月而  
一既而禿髮傉檀入據姑臧沮渠蒙遜基宇稍廣於是  
慨然著述志賦以自見詞多不載嵩寢疾顧命宋繇曰  
吾少離荼毒百艱備嘗於喪亂之際遂為此方所推才  
弱智淺不能一同河右今氣力憊然當不復起矣死者

大理吾不悲之所恨志不申耳居元首之位者宜深病  
危殆之機吾終之後世子猶卿子也善相輔導述吾平  
生勿令居人之上專驕自任軍國之宜委之於卿無使  
籌略乖衷失成敗之要十三年死時年六十七國人上  
謚曰武昭王墓曰建世陵廟號太祖嵩世子譚早卒第  
二子歆嗣

歆字士業嵩死時府寮奉為大都督大將軍涼公領涼  
州牧護羌校尉大赦境內改年為嘉興尊母尹氏為太  
后以宋繇為武衛將軍廣夏太守軍諮祭酒錄三府事



索仙為征虜將軍張掖太守沮渠蒙遜遣其張掖太守沮渠廣宗詐降誘歌歆遣武衛溫冝等赴之親勒大軍為之後繼蒙遜率衆三萬設伏于蓼泉歌聞引兵還為蒙遜所逼歌親貫曰先登大敗之追奔百餘里俘斬七千餘級明年蒙遜又伐歌歆將出距之左長史張體順固諫乃止蒙遜大受秋稼而還是歲朝廷以歌為持節都督七郡諸軍事鎮西大將軍護羌校尉酒泉公歌用刑頗嚴又繕築不止從事中郎張顯上疏諫曰入歲已來陰陽失序要有賊風暴雨犯傷和氣分區域三分勢

不久並并兼之本實在農戰懷遠之畧事歸寬簡而更繁刑峻法宮室是務人力凋殘百姓悲悴致災之咎寔此之田主簿汜稱又上疏諫曰臣聞天之子愛人后殷勤至矣故政之不脩則垂災譴以誠之改者雖允必昌宋景是也其不改者雖安必亡虢公是也元年三月癸卯敦煌謙德堂陷八月效穀地裂二年元日昏霧四塞四月日赤無光二旬乃復十一月狐上南門今茲春夏地頻五震六月隕星于建康臣雖學不稽古敏謝仲舒頗亦聞道於先師且行年五十有九請為殿下略言耳



通志卷第八  
目之所聞見不復能遠論書傳之事也乃者咸安之初  
西平地裂狐入謙光殿前俄而秦師奄至都城不守梁  
熙既爲涼州藉秦氏兵亂規有全涼之地外不撫百姓  
內多聚斂建元十九年姑臧南門崩隕石於閑豫堂二  
十年而呂光東反子敗於前身戮於後段業因羣胡創  
亂遂稱制此方三年之中地震五十餘所既而先王龍  
興瓜州蒙遜殺之張掖此皆目前之成事亦殿下之所  
聞知效穀先王鴻漸之始謙德即尊之室基陷地裂大  
山之徵也日者太陽之精中國之象赤而無光中國將

爲胡夷之所陵滅諺曰野獸入家主人將去今狐上南  
門亦災之大也又狐者胡也天意若曰將有胡人居于  
此城南面而居者也昔春秋之世星隕于宋襄公卒爲  
楚所擒地者至陰胡夷之象當靜而動反亂天常天意  
若曰胡夷將震動中國中國若不脩德將有宋襄之禍  
臣願殿下親仁善鄰養威觀釁罷宮室之務止游畋之  
娛後宮嬪妃諸弟子女躬受分田身勸蠶績以清儉素  
德爲榮息茲奢靡之費庶可以弭災止變不然將恐宗  
廟之危必不出紀歆並不納歆立四年而宋受禪歆將



謀東伐張體順切諫乃止歆聞蒙遜南伐禿髮得檀命中外戒嚴將攻張掖尹氏固諫不聽宋繇又固諫歆並不從繇退而歎曰大事去矣吾見師之出不見師之還也歆遂率步騎三萬東伐次于都瀆澗蒙遜自浩豐來距戰于懷城爲蒙遜所敗左右勸歆還酒泉歆曰吾違太后明誨遠取敗辱不殺此胡復何面目以見母也勒衆復戰敗于蓼泉爲蒙遜所害歆諸弟酒泉太守翻新城太守預領羽林右監密左將軍眺右將軍亮等西奔敦煌蒙遜遂入于酒泉歆之未敗也有大蛇從南門而

入至于恭德殿前有雙雉飛出宮內通街大樹上有烏鵲爭巢鵲爲烏所殺又有敦煌父老令狐熾夢白頭公衣恰而謂熾曰南風動吹長木胡桐推不中轂言訖忽然不見歆小字桐推至是而亡翻及弟敦煌太守恂與諸子等棄敦煌奔于北山蒙遜以索嗣子元緒行敦煌太守元緒麤嶮好殺大失人和郡人宋承張弘以恂在郡有惠政密信招恂恂率數十騎入于敦煌元緒東奔涼興宋承等推恂爲冠軍將軍涼州刺史蒙遜遣世子德政率衆攻恂恂閉門不戰蒙遜自率衆二萬攻之三



面起堤以水灌城恂遣壯士一千連版爲橋潛欲決堤  
蒙遜勒兵逆戰屠其城歆子重耳脫身奔于江左仕于  
宋後歸魏爲恒農太守蒙遜徙翻子寶等于姑臧歲餘  
北奔伊吾後歸于魏獨尹氏及諸女死於伊吾高以安  
帝隆安四年僭立至宋高祖永初二年滅凡二十二年  
二世三主

夏

赫連勃勃字屈丐匈奴右賢王去卑之後而劉淵之族  
也曾祖劉聰世以宗室封樓煩公拜安北將軍監鮮

卑諸軍事丁零中郎將雄據肆盧川爲代王猗盧所敗  
遂出塞表祖豹子招集種落復爲諸部之雄石虎遣使  
就拜爲平北將軍左賢王丁零單于父衛辰入居塞內  
苻堅以爲西單于督攝河西諸虜屯于代來城及堅國  
亂遂有朔方之地控弦之士三萬八千後魏師伐之衛  
辰令其子力俟提距戰爲魏所敗魏人乘勝濟河剋代  
來執衛辰殺之勃勃乃奔于叱干部叱于他斗伏送勃  
勃於魏他斗伏兄子阿利先成大洛川聞將送勃勃馳  
諫曰鳥雀投人尚宜濟免況勃勃國破家亡歸命於我



縱不能容猶宜任其所奔今執而送之深非仁者之舉  
他斗伏懼為魏所責弗從阿利潛遣勁勇褻勃勃於路  
送於姚興高平公沒弈于弈于以女妻之勃勃身長八  
尺五寸腰帶十圍性辯慧美風儀興見而竒之深加禮  
敬拜驍騎將軍加奉車都尉常參軍國大議寵遇踰於  
勳舊興弟邕言於興曰勃勃天性不仁難以親近陛下  
寵遇太甚臣竊惑之興曰勃勃有濟世之才吾方收其  
藝用與之共平天下有何不可乃以勃勃為安遠將軍  
封陽川侯使助沒弈于鎮高平以三城朔方雜夷及衛

辰部衆三萬配之使為伐魏偵候姚邕固諫以為不可  
興曰卿何以知其性氣邕曰勃勃奉上慢御衆殘貪暴  
無親輕為去就寵之踰分終為邊害興乃止頃之以勃  
勃為持節安北將軍五原公配以三交五部鮮卑及雜  
虜二萬餘落鎮朔方時河西鮮卑杜崙獻馬八千匹于  
姚興濟河至大城勃勃留之召其衆三萬餘人偽獵高  
平川襲殺沒弈于而并其衆衆至數萬義熙二年僭稱  
天王大單于赦其境內建元曰龍昇署置百官自以匈  
奴夏后氏之苗裔也國稱大夏以其長兄右地代為丞



相代公次兄力俟提爲大將軍魏公叱干阿利爲御  
史大夫梁公弟阿利羅引爲征南將軍司隸校尉若  
門爲尚書令叱以韃爲征西將軍尚書左僕射乙斗  
爲征北將軍尚書右僕射自餘以次授任其年討鮮卑  
薛于等三部破之降衆萬數千進討姚興三城已北諸  
戍斬其將楊平姚石生等諸將諫以固險不從又復言  
於勃勃曰陛下將欲經營宇內南取長安宜先固根本  
使人心有所憑繫然後大業可成高平險固山川沃饒  
可以都也勃勃曰卿徒知其一未知其二吾大業首創

衆旅未多姚興亦一時之雄關中未可圖也且其諸鎮  
用命我若專固一城彼必并力於我衆非其敵亡可立  
待吾以雲騎風馳出其不意救前則擊其後救後則擊  
其前使彼疲於奔命我則游食自若不及十年嶺北河  
東盡我有也待姚興死後徐取長安姚弘凡弱小兒擒  
之方略已在吾計中矣昔軒轅氏亦遷居無常二十餘  
年豈獨我乎於是侵掠嶺北嶺北諸城門不晝啓興歎  
曰吾不用黃兒之言以至於此黃兒姚邕小字也勃勃  
初僭號求婚於秃髮俥檀俥檀弗許勃勃怒率騎二萬



伐之自揚非至于支陽三百餘里殺傷萬餘人驅掠二萬七千口牛馬羊數十萬而還傳檀率衆追之其將焦朗謂傳檀曰勃勃天姿雄鷲御軍齊肅未可輕也今因抄掠之資率思歸之士人自爲戰難與爭鋒不如從溫圍北渡趣萬斛堆阻水結營制其咽喉百戰百勝之術也傳檀將賀連怒曰勃勃以死亡之餘率烏合之衆犯順結禍幸有大功今牛羊塞路財寶若山窘弊之餘人懷貪競不能督厲士衆以抗我也我以大軍臨之必土崩魚潰今引軍避之示敵以弱我衆氣銳宜在速追傳

檀曰吾追計決矣敢諫者斬勃勃聞而大喜乃於陽武下陝鑿凌埋車以塞路傳檀遣善射者射之中勃勃左臂勃勃乃勒衆逆擊大敗之追奔八十餘里殺傷萬計斬其大將十餘人以為京觀號髑髏臺還于嶺北勃勃與姚興將張佛生戰于青石原又敗之俘斬五千七百人興遣將齊難率衆二萬來伐勃勃退如河曲難以去勃勃既遠縱兵掠野勃勃潛軍覆之俘獲七千餘人收其戎馬兵仗難引軍而退勃勃復追擊于木城拔之擒難俘其將士萬有三千戎馬萬匹嶺北夷夏降附者數



萬計勃勃於是拜置守宰以撫之勃勃又率騎二萬入高岡及丁五井掠平涼雜胡七千餘戶以配後軍進屯依力川姚興來伐至三城勃勃候興諸軍未集率騎擊之興大懼遣其將姚文宗距戰勃勃偽退設伏以待之興遣其將姚揄生等追之伏兵夾擊皆擒之興將王奚聚羌胡三千餘戶于勃音堡勃勃進攻之奚驍悍有膂力短兵接戰勃勃之衆多爲所傷於是堰斷其水堡人窘迫執奚出降勃勃謂奚曰卿忠臣也朕方與卿共平天下奚曰若蒙大恩速死爲惠乃與所親數十人自刎

而死勃勃又攻興將金洛生于黃石固彌姐豪地于我羅城皆拔之徙七千餘家於大城以其丞相右地代領幽州牧以鎮之遣其尚書金纂率騎一萬攻平涼姚興來救纂爲興所敗死之勃勃兄子左將軍羅提率步騎一萬攻興將姚廣都于定陽剋之坑將士四千餘人以女弱爲軍賞拜廣都爲太常勃勃又攻興將姚壽都于清水城壽都奔上邽徙其人萬六千家于大城是歲齊難姚廣都謀叛皆誅之姚興將姚詳棄三城南奔大蘇勃勃遣其將平東鹿奔于要擊之執詳盡俘其衆詳至



勃勃數而斬之其年勃勃率騎三萬攻安定與姚興將  
揚佛嵩戰于青石北原敗之降其衆四萬五千獲戎馬  
二萬匹進攻姚興將党智隆于東鄉降之署智隆光祿  
勳徙其三千餘户于貳城姚興鎮北參軍王買德來奔  
勃勃謂買德曰朕大禹之後世居幽朔祖宗重暉常與  
漢魏爲敵國中世不競受制於人逮朕不肖不能紹隆  
先構國破家亡流離漂虜今將應運而興復大禹之業  
卿以爲何如買德曰自皇晉失統神器南移群雄岳峙  
人懷問鼎況陛下弈葉載德重光朔野神武超於漢皇

退於魏祖而不於天啓之機建成大業乎今秦政  
衣藩鎮猶固深願蓄力待時詳而後舉勃勃善之拜  
爲軍師中郎將乃赦其境內改元爲鳳翔以叱干阿利  
領將作大匠發嶺北夷夏十萬人於朔方水北黑水之  
南營起都城勃勃自言朕方統一天下君臨萬邦可以  
統萬爲都域名阿利姓尤工巧然殘忍刻暴乃蒸土築  
城錐入一寸即殺作者而并築之勃勃以爲忠故委以  
營繕之任又造五兵之器精銳尤甚旣成呈之工匠必  
有死者射甲不入即斬弓人如其入也便斬鎗匠又造



百鍊剛刀爲龍雀大環號曰大夏龍雀銘其背曰古之  
利器吳楚湛盧大夏龍雀名冠神都可以懷遠可以柔  
浦如風靡草威服九區世甚珍之復鑄銅爲大鼓飛廉  
翁仲銅駝龍虎之屬皆以黃金飾之列於宮殿之前凡  
殺工匠數千以是器物矣不精麗於是議討乞伏熾磐  
王買德諫曰明王之行師也軌物以德不以暴且熾磐  
我之與國新遭大喪今若伐之豈所謂棄理而動上感  
靈和之義乎苟恃衆力因人喪難匹夫猶恥爲之而況  
萬乘哉勃勃曰甚善微卿朕安聞此言其年下書曰朕

之皇祖自北遷幽朔姓改妣氏音殊中國故從母氏爲  
劉子而從母之姓非禮也古人氏族無常或以因生爲  
氏或以王父之名朕將以義易之帝王者係天爲子是  
爲徽赫實與天連今改姓曰赫連氏庶協皇天之意永  
享無疆大慶係天之尊不可令支庶同之其非正統皆  
以鐵伐爲氏庶朕宗族子孫剛銳如鐵皆堪伐人立其  
妻梁氏爲王后子瓚爲太子封子延爲陽平公昌太原  
公倫酒泉公定平原公滿河南公安中山公又攻姚興  
將姚逵于杏城二旬剋之執逵及其將姚大安和



姚利僕尹敵等坑戰士二萬人遣其御史中丞烏洛孤  
 盟於沮渠蒙遜以結和好蒙遜遣其將沮渠漢平報之  
 勃勃聞姚泓將姚嵩與氏王楊盛相持率騎四萬襲上  
 邽未至而嵩為盛所殺勃勃攻上邽二旬剋之殺泓秦  
 州刺史姚平都及將士五千人毀城而去進攻陰密又  
 殺興將姚良子及將士萬餘人以其子昌為使持節前  
 將軍雍州刺史鎮陰密泓將姚恢棄安定奔于長安安  
 定人胡儼華韜率戶五萬據安定降于勃勃以儼為侍  
 中韜為尚書留鎮東羊苟兒鎮之配以鮮卑五千進攻

泓將姚湛于雍城謀奔長安勃勃進師次郿城泓遣其  
 將姚紹來距勃勃退如安定胡儼等襲殺苟兒以城降  
 泓勃勃引歸杏城笑謂羣臣曰劉裕伐秦水陸兼進且  
 裕有高世之略姚泓豈能自固吾驗以天時人事必當  
 剋之又其兄弟內叛安可以距人裕既剋長安利在速  
 返正可留子弟及諸將守關中待裕發軫吾取之若拾  
 芥耳不足復勞吾士焉於是秣馬厲兵休養士卒尋進  
 據安定姚泓嶺北鎮戍郡縣悉降勃勃於是盡有嶺北  
 之地俄而劉裕滅泓入于長安遣使遺勃勃書請通和



好約爲兄弟勃勃命其中書侍郎皇甫徽爲文而陰誦  
之召裕使前口授舍人爲書封以荅裕裕覽其文而奇  
之使者又言勃勃容儀環偉英武絕人裕歎曰吾所不  
如也旣而勃勃還統萬裕留子義眞鎮長安而還勃勃  
聞之大悅謂王買德曰朕將進圖長安卿試言取之方  
略買德曰劉裕滅秦所謂以亂平亂未有德政以濟蒼  
生關中形勝之地而以弱才小兒守之非經遠之規也  
狼狽而返者欲速成篡事耳無暇有意於中原陛下以  
順伐逆義貫幽顯百姓以君命望陛下義旗之至以日

爲歲矣青泥上洛南師之衝要宜置遊兵斷其去來之  
路然後杜潼關塞峭陝絕其水陸之道陛下聲檄長安  
申布恩澤三輔父老皆壺漿以迎王師矣義眞獨坐空  
城逃竄無所一旬之間必面縛麾下所謂兵不血刃不  
戰而自定也勃勃善之以子瑣都督前鋒諸軍事領撫  
軍大將軍率騎二萬南伐長安前將軍赫連昌屯兵潼  
關以買德爲撫軍右長史南斷青泥勃勃率大軍繼發  
瑣至渭陽降者屬路義眞遣龍驤將軍沈田子率衆逆  
戰不利而退屯劉迴堡田子與義眞司馬王鎮惡不平



因鎮惡出城遂殺之義真又殺田子於是悉召外軍入于城中閉門距守關中郡縣悉降璜夜襲長安不剋勃勃進據咸陽長安樵採路絕劉裕聞之大懼乃召義真東鎮洛陽以朱齡石為雍州刺史守長安義真大掠而東至於灊上百姓遂逐齡石而迎勃勃入于長安璜率衆三萬追擊義真王師敗績義真單馬而遁賈德獲晉寧朔將軍傅弘之輔國將軍蒯恩義真司馬毛脩之於青沈積人頭以為京觀於是勃勃大饗將士于長安塞觴謂王賈德曰卿往日之言一周而果効可謂筭無遺

策矣雖宗廟社稷之靈亦卿謀猷之力也此觴所集非卿而誰於是拜賈德都官尚書加冠軍將軍封河陽侯赫連昌攻齡石及龍驤將軍王敬於潼關之曹公故壘剋之執齡石及敬送于長安羣臣乃勸進勃勃曰朕無撥亂之才不能弘濟兆庶自枕戈寢甲十有二年而四海未同遺寇尚熾不知何以謝責當年垂之來葉將明揚仄陋以王位讓之然後歸老朔方琴書卒歲皇帝之號豈薄德所膺羣臣固請乃許之於是為壇於灊上僭即皇帝位赦其境內改元為昌武遣其將叱奴侯提率



步騎一萬攻晉并州刺史毛德祖于蒲坂德祖奔于洛陽以侯提爲并州刺史鎮蒲坂勃勃歸于長安徵隱士京兆韋祖思旣至而恭懼過禮勃勃怒曰吾以國士徵汝柰何以非類處吾汝昔不拜姚興何獨拜我我今未死汝猶不以我爲帝王吾死之後汝輩弄筆當置吾何地遂殺之羣臣勸都長安勃勃曰朕豈不知長安累帝舊都有山河四塞之固但荆吳僻遠勢不能爲人之患東魏與我同壤境去北京裁數百餘里若都長安北京恐有不守之憂朕在統萬彼終不敢濟河諸卿適未見

此耳其下咸曰非所及也乃於長安置南臺以瓚領大將軍雍州牧錄南臺尚書事勃勃還統萬以宮殿大成於是赦其境內又改元曰真興時元嘉元年也因刻石都南命其秘書監胡義周撰辭頌美功德名其南門曰朝宋門東門曰招魏門西門曰服涼門北門曰平朔門追尊其高祖訓兒曰元皇帝曾祖武曰景皇帝祖豹子曰宣皇帝父衛辰曰桓皇帝廟號太祖母苻氏曰桓文皇后勃勃將廢太子瓚而立少子酒泉公倫瓚知之是歲以兵攻倫倫拒之敗死倫兄太原公昌襲瓚殺之并



其衆歸于統萬勃勃大悅立昌為太子勃勃性凶暴好殺無順守之規常居城上置弓劍於側有所嫌忿便手自殺之羣臣忤視者毀其目笑者決其脣諫者謂之誅謗先截其舌而後斬之夷夏蹶然人無生賴勃勃僭立十四年而宋氏受禪以宋元嘉二年八月死偽謚武烈皇帝廟號世祖陵曰嘉平

昌字還國一名折勃勃之第二子也始封太原公授雍州刺史鎮陰密以襲殺太子瑣得為嗣既僭立改年承元魏太武聞勃勃死關中亂遂遣司空奚斤襲蒲坂宋

兵將軍周幾襲陝自將襲統萬行至君子津會天暴寒冰合率輕騎一萬八千濟河襲昌昌方燕羣臣聞魏師奄至上下驚擾太武次於黑水去城三十餘里昌出戰太武馳往擊之昌退走入城門未及閉魏將豆代田乘勝帥衆入其西宮焚其西門宮門閉代田踰垣而出明日魏分軍四掠殺獲數萬太武謂諸將曰統萬未可得也它年當與卿等取之乃徙其民萬餘家而還昌遣其弟平原公定與奚斤相持於長安元嘉四年五月太武復西伐至拔鄰山築城捨輜重以輕騎三萬倍道先行



羣臣咸諫曰統萬城堅非十日可拔今輕軍討之進不可剋退無所資不若步軍攻具一時俱往太武曰夫用兵之術攻城最下必不得已然後用之今以步兵攻具皆進彼必懼而堅守若攻不時拔食盡兵疲外無所掠非計之得也不如以輕騎直抵其城彼見步兵未至意必寬弛吾羸形以誘之若得一戰則成禽矣吾軍去家二千餘里後有黃河之難所謂置之死地而後生也是沃戰則有餘攻城則不足遂行次于黑水分軍伏於夾谷而以少衆至其城下昌將狄子王來降言昌聞有

魏師追其弟定定曰統萬城堅未易攻拔待我禽奚斤然後徐往內外擊之蔑不濟矣故昌堅守以待之太武患之乃退軍城北示昌以弱遣永昌王健及宗正蛾清等分騎五千西掠居人會軍士負罪亡入昌城言魏軍糧盡士卒食菜輜重在後步兵未至擊之爲便昌信其言引衆出城步騎三萬司徒長孫翰等咸言昌步騎難犯宜避其鋒太武曰遠來求賊唯恐不出今避而不擊彼奮我弱非計也遂收衆僞北引而疲之昌以爲退鼓譟而前舒陣爲翼行五六里太武衝之昌陣不動稍前



行會有風雨從東南來揚沙晦冥宮者趙侃曰今風雨  
從賊上來我向彼背天不助人願攝陣避之太常崔浩  
叱之曰是何言也吾千里制勝一日之中豈得變易賊  
貪進不已後軍已絕宜隱軍分出奄擊不意風道在人  
豈有常也太武善之乃分騎為左右隊以倚之太武馬  
蹶而墜幾為昌兵所獲宗室拓跋齊以身捍蔽太武騰  
馬得上身中流矢奮擊不輟昌衆大潰魏師乘勝逐昌  
至城北昌遂奔上邽太武微服逐奔者入其城城中人  
覺之諸門悉閉太武與拓跋齊等入其宮中得裙繫之

繫上乘之而上僅乃得免明日入城獲昌王公卿校  
婦女以萬數馬三千疋牛羊數千萬頭府庫珍寶車旗  
器物不可勝計初勃勃性豪侈築統萬城高十仞基厚  
三十步上廣十步宮牆高五仞其堅可以厲刀斧臺榭  
壯大皆雕鏤圖畫被以繡綺太武曰曩爾國而用民如  
此欲不亡得乎奚斤追昌至雍不及而還赫連定聞統  
萬破亦奔昌於上邽太武還平城以常山王素鎮統萬  
留太僕丘堆與娥清使助奚斤擊昌五年太武復使將  
軍尉建攻上邽昌退屯平涼奚斤進軍安定與丘堆娥



清軍合片以馬疲糧少深壘自固遣堆行督租為昌所襲堆敗還城昌乘勝日夜鈔掠不得芻牧諸將患之監軍侍御史安頡請斤決戰斤以馬少為辭頡曰昌狃而無謀好勇而輕每自出挑戰衆皆識之今歛諸將所乘馬可得二百匹頡請募死士擊之昌可禽也斤猶難之頡乃陰與尉建選騎以待既而昌果來攻城頡出應之昌自出搏戰軍士爭赴之昌敗走頡追禽之太武使侍中古弼迎昌至平城舍之西宮門內給以乘輿之副又以妹始平公主妻之假昌常忠將軍賜爵會稽公又封為秦王後以元嘉十一年叛魏西走為候將格殺之衆人并誅其羣弟

定小字直獫勃勃之第五子也始封平原公昌立進爵為王定凶暴無賴昌之被禽也定收其餘衆奔還平涼僭即偽位改年勝光奚斤以昌為偏裨所禽深恥之乃捨輜重齎三日糧追定於平涼娥清欲循水而往斤不從自北道邀其走路定軍將遁會魏小將有罪亡歸定告以魏軍食少無水定乃分兵夾擊之魏兵大潰斤清皆為所禽丘堆棄輜重奔還於是定復取長安定嘗登



陰槃山望其本國泣曰先帝以朕承大業者豈有今日  
之事乎使天假朕年當與卿諸人建季興之業俄而羣  
狐百數鳴於其側定命射之無所獲惡之曰所見亦大  
不臧咄咄天道復何言哉定遣使求和於宋約合兵滅  
魏遙分河北自恒山以東屬宋以西屬夏元嘉七年魏  
太武自襲平涼使將軍古弼等將兵趣安定定自安定  
北救平涼與弼遇弼僞退以誘之定追之太武使高車  
馳擊之定大敗走鶻觚原魏軍圍之斷其水草人馬飢  
渴定引衆下原魏軍擊之定衆大潰定中重創單騎

收餘衆西保上邽魏兵遂取安定太武還臨平涼剋之  
復取長安八年定遣其叔父韋伐攻秦主乞伏慕末於  
南安以慕末歸殺之是歲定畏魏人之逼擁秦民十餘  
萬口自治城濟河欲擊北涼王沮渠蒙遜而奪其地吐  
谷渾王慕璜遣騎三萬乘其半濟邀擊之執定以歸明  
年吐谷渾送定于魏魏人殺之始勃勃以晉安帝義熙  
三年僭號至定二世三主凡二十有五年而滅

### 後梁

蕭詧字理孫蘭陵人梁武帝之孫昭明太子統之第三



子也幼好學善屬文尤長佛義特為武帝嘉賞梁普通  
 中封曲江縣公及昭明太子薨封譽岳陽郡王位東揚  
 州刺史領會稽太守初昭明卒武帝捨譽兄弟而立簡  
 文內常愧之故寵亞諸子以會稽人物殷阜一都之會  
 故有此授以慰其心譽既以其昆季不得為嗣常懷不  
 平又以武帝衰老朝多秕政有敗亡之漸遂蓄聚財貨  
 交通賓客招募輕俠折節下之其勇敢者多歸附焉左  
 右遂至數千人皆厚加資給大同元年除西中郎將雍  
 州刺史都督五州諸軍事寧蠻校尉譽以襄陽形勝之

地又武帝創基之所時平足以樹根本時亂足以圖霸  
 功遂務脩刑政太清二年武帝以譽兄河東王譽為湘  
 州刺史徙湘州刺史張纘為雍州纘恃才輕譽州府迎  
 候有闕譽深銜之遂託疾不與相見後聞侯景作亂頗  
 陵蹙纘纘構譽及譽於梁元帝元帝令其世子方等及  
 王僧辯相繼攻譽譽告急於譽譽聞之大怒及元帝將援  
 建業令所都諸州並發兵赴都譽遣府司馬劉方貴領  
 兵為前軍出漢口及將發元帝又使諮議參軍劉毅召  
 譽自行譽不從而方貴潛與元帝相知剋期襲譽未及



發會誓以他事召方貴方貴懼謀泄遂據樊城拒命  
遣軍攻之元帝乃厚資遣張纘若將述職而密援方貴  
纘次大隄而樊城已陷誓禽方貴兄弟黨與並斬之誓  
時以譽危急乃留諮議參軍蔡大寶守襄陽率衆伐江  
陵以救之元帝大懼乃遣參軍庾亮謂誓曰以姪伐叔  
逆順安在誓曰家兄無辜屢被攻圍七父若顧先恩豈  
應若是如能退兵湘水吾便旋旆襄陽時攻柵不剋會  
大雨暴至平地四尺衆頗離心軍主杜岸岸弟幼安及  
其兄子龕以其屬降於江陵誓乃遁歸襄陽器械輜重

多沒於健水誓恐不能自固乃遣蔡大寶求附庸于西  
魏時西魏大統十五年也西魏丞相宇文泰令其東閣祭  
酒榮權使焉是歲元帝令柳仲禮圍襄陽誓乃遣妃王  
氏及世子焱為質請救宇文泰令榮權報命仍遣開府  
楊忠為援十六年忠禽仲禮平漢東西魏命誓發喪嗣  
位誓辭乃使假散騎常侍鄭孝穆及榮權策命誓為梁  
王乃於襄陽置百官承制封拜十七年留尚書僕射蔡  
大寶守雍部而朝于長安宇文泰謂曰王之來此頗由  
榮權乃召權見誓泰曰權吉士也寡人與之從事未嘗



見失信誓曰榮權常道二國之言無私故誓今者得歸  
誠魏闕耳魏恭帝元年宇文泰命柱國于謹伐江陵誓  
以兵會之及江陵平泰命誓王梁嗣居江陵東城資以  
江陵一州之地其襄陽所統盡入於魏誓乃稱皇帝於  
其國年號大定追尊其父統爲昭明皇帝廟號高宗統  
妃蔡氏爲昭德皇后又尊其所生母龔氏爲皇太后立  
妻王氏爲皇后子歸爲皇太子其慶賞刑威官方制度  
並同王者唯上疏則稱臣奉魏正朔至於爵命其下亦  
依梁氏之舊其戎章勲級則又兼用柱國等官又追贈

叔父邵陵王綸太宰謚曰壯武贈兄河東王譽丞相謚  
曰武桓宇文泰仍置江陵防主統兵居於西城名曰武  
植泰外云助誓備禦內實防誓初江陵滅元帝將王琳  
據湘州志圖匡復及誓立琳乃遣其將潘純陀侯方兒  
來寇誓禦之純陀等退歸夏口誓之四年誓遣其大將  
軍王操略取王琳之長沙武陵南平等郡五年王琳又  
遣其將雷文柔襲陷監利郡太守大有死之尋而琳與  
陳人相持稱蕃乞師於誓誓許之師未出而琳軍敗附  
於齊是歲其太子歸朝于長安六年四月大雨震其前



殿崩壓二百餘人七年冬有服鳥鳴于寢殿八年二月  
訖終于前殿時年四十四是歲周保定二年也八月葬  
于平陵謚曰宣皇帝廟號中宗訖少有大志不拘小節  
雖多猜忌而知人善任使撫將士有恩能得其死力性  
不飲酒安於儉素事母以孝聞又不好聲色尤惡見婦  
人雖相去數步亦云遙聞其鼻經御婦人之衣更不再  
著並皆棄之一幸姬媵病卧累旬又惡見人髮白事之  
者必方便避之擔輿者冬月必須裹頭夏月則加蓮葉  
帽其在東揚州頗放誕省覽簿領好為戲弄之言以此

獲譏於世及江陵平猶將尹德毅謂訖曰臣聞人主之  
行與匹夫不同匹夫者飾小行競小廉以取名譽人主  
者定天下安社稷以成大功今魏虜貪恠罔顧弔伐之  
義俘囚士庶並充軍實然此等戚屬咸在江東悠悠之  
人可門到戶說旣塗炭至此咸謂殿下爲之殿下旣殺  
人父兄孤人子弟人盡讎也又誰與爲國但魏之精銳  
盡萃於此犒師之禮非無故事若殿下爲設享會固請  
于謹等爲歡彼無我虞當相率而至預伏武士因而斃  
之撫江陵百姓而安之文武官僚隨材銓授魏人懾息



未敢送死僧辯之徒折簡可致然後朝服濟江入踐皇  
極纘堯復禹萬世一時啓謂德毅曰卿此策非不善也  
然魏人待我甚厚未可背德若遽為卿計則鄧祁侯所  
謂人將不食吾餘既而闔城長幼被虜入關又失襄陽  
之地啓恨乃曰不用德毅之言以至於此是又見邑居殘  
毀干戈日用耻其威略不振常懷憂憤乃著愍時賦以  
見志焉居常怏怏每誦老馬伏櫪志在千里烈士暮年  
壯心不已未嘗不盱衡抱歎吒者久之遂以憂憤發背  
而死啓篤好文義所著文集十五卷內典華嚴般若法

華金光明義疏三十六卷並行於世周武帝又命其太  
子歸嗣位年號天保

歸字仁遠啓之第三子也機辯有文學善於撫御能得  
其下之歡心嗣位之元年尊其祖母龔太后曰太皇太  
后嫡母王皇后曰皇太后所生曹貴嬪曰皇太妃其年  
五月太皇太后薨謚曰元太后九月太妃又薨謚曰孝  
皇太妃二年其皇太后薨謚曰宣靜皇后五年陳湘州刺  
史華皎巴州刺史戴僧朔並來附皎送其子玄響為質  
於歸仍請兵伐陳歸上言其狀周武詔衛公直督荊州



總管權景宣大將軍元定等赴之歸亦遣其柱國王操  
率水軍二萬會皎於巴陵既而與陳將吳明徹等戰於  
沌口直軍不利元定遂沒歸大將軍李廣等亦為陳人  
所虜長沙巴陵並陷於陳衛公直乃歸臯於歸之柱國  
殷亮歸雖以退敗不獨臯亮然不敢違命遂誅之吳明  
徹乘勝攻剋歸河東郡獲其守將許孝敬明年明徹進  
寇江陵引江水灌城歸出頓紀南以避其銳江陵副總  
管高琳與其尚書僕射王操拒守歸馬軍王馬武吉徹  
擊明徹明徹退保公安歸乃還江陵歸之八年陳又

遣其司空章昭達來寇江陵總管陸騰及歸之將士擊  
走之昭達又寇竟陵之青泥歸令其大將軍許世武赴  
援大為昭達所破初華皎戴僧朔從衛公直與陳人戰  
率其麾下數百人歸於歸歸以皎為司空封江夏郡公  
僧朔為車騎將軍封吳興縣侯歸之十年皎將來朝至  
襄陽請衛公直曰梁主既臣江南諸郡人少國貧朝廷  
興亡繼絕理宜資贍豈使齊桓楚莊獨擅救衛復陳之  
美望借數州以裨梁國直然之乃遣使言狀于周武帝  
許之詔以基平郡三州歸之於歸及周平齊歸朝於鄴



三百七十八  
通志八  
卷第八  
三十二  
公期  
帝雖以禮接之然未之重也歸知之後因宴承間乃陳其父荷文帝拯救之恩并叙二國艱虞唇齒倚角之事辭理辯暢因泣涕交流帝亦為之歔歔自是大加賞異禮遇日隆後帝復與之宴齊氏故臣叱列長義亦預焉帝指謂歸曰是登俾罵朕者也歸曰長義未能輔祭翻敢吠堯帝大笑及酒酣帝又命琵琶自彈之仍謂歸曰當為梁王盡歡歸乃起請舞帝曰王乃能為朕舞乎歸曰陛下既親撫五絃臣何敢不同百獸帝大悅賜雜繒萬段良馬數十疋并賜齊後主妓妾及帝所乘五百里

駿馬以遣之及隋文帝執政尉遲迴王謙司馬消難等各起兵時歸將帥皆密請興師與迴等為連衡之勢進可以盡節於周氏退可以席卷山南歸以為不可俄而消難奔陳迴等相次破滅隋文帝既踐極恩禮彌厚遣使賜金五百兩銀千兩布帛萬匹馬五百疋開皇二年隋文帝備禮納歸女為晉王妃又欲以其子瑒尚蘭陵公主由是罷江陵總管歸專制其國四年入朝長安帝甚敬待之詔歸位在王公之上歸被服端麗進退閑雅天子矚目百僚傾慕帝賜歸練萬匹珍玩稱是及還親



執其手謂之曰梁主久滯荆楚未復舊都朕當振旅長  
江相送旋反歸拜謝而歸五年五月寢疾薨臨終上表  
奉辭并獻所服金裝劍帝覽而嗟悼歸在位二十三年  
梁之臣子葬之顯陵謚曰孝明皇帝廟號世宗歸孝悌  
慈仁有君人之量四時祭享未嘗不悲慕流涕性尤儉  
約御下有方境內安之所著文集及孝經周易義記及  
大小乘幽微並行於世文帝又命其太子琮嗣位

琮字溫文性倣儻不羈博學有文義兼善弓馬遣人伏  
地持帖琮奔馬射之十發十中持帖者亦不懼初封東

陽王尋立為梁太子及嗣位帝賜以璽書敦勉之又賜  
梁之大臣璽書誡勉之時琮年號廣運有識者曰運之  
為字軍走也吾君將奔走乎其年琮遣大將軍戚昕以  
舟師襲陳公安不剋而還文帝徵琮叔父岑入朝拜大  
將軍封懷義公因留不遣復置江陵總管以監之琮所  
署大將軍許世武密以城召陳將宜黃侯陳紀謀泄琮  
誅之後二歲文帝徵琮入朝琮率臣下二百餘人入長  
安江陵父老莫不隕涕曰吾君其不反矣文帝以琮來  
朝遣武鄉公崔弘度將兵戍之軍至郡州琮叔父巖及



弟瓛等懼弘度掩襲之遂引陳人至城下虜居人而叛於是廢梁國文帝遣左僕射高頴安集之由赦江陵死臯給復十年梁二主各給守墓十戶拜琮柱國賜爵莒國公自啓初即位歲在乙亥至是歲在丁未凡三十三載而亡琮至煬帝嗣位甚見親重拜內史令改封梁公琮之宗族總麻以上並得隨才擢用於是諸蕭昆弟布列朝廷琮性澹雅不以職務自嬰退朝縱酒而已內史令楊約與琮同列帝令約宣旨誠勵約復以私情諭之琮曰琮若復事事則何異公哉約笑而退約兄素時爲

尚書令見琮嫁從父妹於鉗耳氏謂曰公帝王之族何乃適妹鉗耳氏琮曰前已嫁妹於侯莫陳氏此復何疑素曰鉗耳羌也侯莫陳虜也何得相比琮曰以羌異虜未之前聞素慙而止琮雖羈旅見北間豪貴無所降下常與賀若弼深友弼旣誅復有童謠曰蕭蕭亦復起帝由是忌之遂廢於家卒贈左光祿大夫子鉉位襄城通守復以琮弟子鉅爲梁公鉅小名曰藏煬帝甚昵之以爲千牛與宇文翬出入宮掖伺察內外帝每有遊宴鉅未嘗不從遂於宮中多行淫穢江都之變爲宇文化及



所殺啓之居帝位百寮追謚長子蔡為孝惠太子次子  
巖封安平王岌東平王岌河間王後改封吳郡王琮弟璠  
義興王瑒晉陵王璟臨海王珣南海王瑒義安王以蔡  
大寶為股肱王操為腹心魏益德尹正薛暉許孝敬薛  
宣為爪牙甄玄成劉盈岌善方傳淮褚珪蔡大業典衆  
務張綰以舊齒顯位沈重以儒學蒙厚禮自餘多所  
獎拔咸盡其器能及歸纂業親賢並用將相則華皎殷  
亮劉忠義宗室則蕭欣蕭翼人望則蕭確謝溫柳洋王  
湜徐岳外戚則王洋王誦殷璉文章則劉孝勝范迪沈  
未任職者則不兼錄

居游君公柳信言政事則袁敞柳莊蔡延壽甄元  
茲故能保其疆土而和其人焉今載啓子蔡等及蔡大  
寶以下尤著者附于左其在梁陳隋已有傳及歸諸子  
爲世子尋病卒及啓稱帝追謚焉  
巖字義遠啓第五子也性仁厚善撫接歷尚書令太尉大  
傅入陳授東揚州刺史及陳亡百姓推巖為主爲總管  
宇文述所破伏法於長安



三百一  
卷之八  
三十一  
岌登第六子也性淳和位至侍中中衛將軍歸之五年  
卒贈司空謚曰孝

岑字智遠登第八子也位至太尉性簡貴御下嚴整及  
琮嗣位自以望重屬尊頗有不法故隋文徵入朝拜大  
將軍封懷義郡公

璲字欽文巋第三子也幼有令譽能屬文位荊州刺史  
頗有能名崔弘度兵至郡州璲懼與其叔父巖奔陳陳  
主以爲侍中吳州刺史甚得物情三吳父老皆曰吾君  
之子陳亡吳人推之爲主吳人見梁武簡文及陳宣帝等

兄弟中並第三而踐尊位璲自以巋第三子深自矜負  
有謝異者頗知廢興梁陳之際言無不驗江左人甚敬  
信之及陳主被禽異奔璲由是益爲衆所歸宇文述之  
討璲也璲遣王褒守吳州自將拒述述遣兵別道襲褒  
褒衣道士服棄城而遁璲敗將左右數人逃于太湖匿  
于人家被執述送長安斬之璟仕隋尚衣奉御瑒衛尉  
卿秘書監陶丘侯瑀內史侍郎河池太守

蔡大寶字敬位濟陽考城人祖履齊尚書祠部郎父點  
梁尚書儀曹郎南兖州別駕大寶少孤而篤學不倦善



屬文初。明經對策第一。解褐武陵王國左常侍。嘗以書千僕射。徐勉勉甚。賞異乃令與其子遊。虬所有墳籍盡以給之。遂博覽羣書。學無不綜。答初出第。勉仍薦大寶為侍讀。兼掌記室。尋除尚書儀曹郎。答出鎮會稽。大寶詣選曹求諮議。不得以為記室。大寶攘臂而出口。不為孫秀非人也。答蒞襄陽。遷諮議參軍。謀謨皆自大寶出。及梁元帝與河東王譽構隙。答令大寶使江陵以觀之。元帝素知大寶。見之甚悅。乃示所製玄覽賦。令注解焉。三日而畢。元帝大嗟賞之。贈遺甚厚。大寶還白答云。

湘東必有異圖。禍亂將作。不可下援。臺城答納之。及於江陵。稱帝為侍中尚書令。參掌選事。進位柱國軍師將軍。封安豐縣侯。歸嗣位。冊授司空中書監中權大將軍。領吏部尚書。固讓司空。許之。加特進。歸之三年卒。及葬。歸三臨其喪。贈司徒。進爵為公。謚曰文凱。配食答廟。庭大寶性嚴整。有智謀。雅達政事。文辭贍遠。答之章表書記教令詔冊。並大寶專掌之。答推心委任。以為謀主。時人以答之有大寶。猶劉先主之有孔明焉。所著文集三十卷。及尚書義疏。並行於世。有四子。次子延壽。有器識。



博涉經籍尤善當世之務尚答女宣城公主歷中書郎  
尚書右丞吏部郎御史中丞從琮入隋授開府儀同三  
司祕書丞終於成州刺史大寶弟大業字敬道有至行  
位散騎常侍衛尉卿都官尚書太常卿卒贈金紫光祿  
大夫謚曰簡有五子允恭最知名位太子舍人梁滅入  
陳爲尚書庫部郎陳亡仕隋起居舍人

王操字子高其先太原晉陽人答母龔氏之外弟也性  
敦厚有籌略初爲答外兵參軍親任亞於蔡大寶及答  
稱帝歷五兵尚書郢州刺史進位柱國封新康縣侯歸

嗣位授鎮石將軍尚書僕射及吳明徹爲寇歸出頓紕  
南操撫循將士莫不用命明徹既退江陵獲全操之力  
也遷侍中中衛將軍尚書令開府儀同三司領荊州刺  
史操旣位居朝右每自挹損深得當時之譽及歸舉哀  
於朝堂流涕曰天不使吾平蕩江表何奪吾賢相之速  
也及葬親祖於瓦官門贈司空進爵爲公謚曰康節有  
七子次子衡最知名有才學位中書黃門侍郎

魏益德襄陽人也有材幹膽勇過人答稱帝進位柱國  
封上黃縣侯卒贈司空謚曰忠壯進爵爲公歸之五年



以益德配食答廟庭

尹正其先天水人答蒞雍州正為其府中兵參軍禽張  
纘獲杜岸皆正之力答稱帝除護軍將軍位柱國封新  
野縣侯卒贈開府儀同三司謚曰剛歸之五年以正配  
食答廟庭子德毅多權略位大將軍後以見疑賜死  
甄玄成字敬平中山人博達經史善屬文少為簡文所  
知以錄事參軍隨答鎮襄陽轉中記室參軍頗參政事  
以江陵甲兵殷盛遂懷貳心密書與元帝具申誠款或  
得其書以送於答答深信佛法常願不殺誦法華經人

玄成素誦法華經遂以此獲免答後見之常曰甄公好  
得法華經力後位吏部尚書有文集二十卷子詡少沈  
敏閑習政事歷中書舍人尚書右丞從琮入隋授開府  
儀同三司終於太府少卿

岑善方字思義南陽棘陽人祖惠甫給事中父昶散騎  
侍郎善方有器局博綜經史以刑獄參軍隨答至襄陽  
答初請內附以善方兼記室充使往來凡數十反魏恭  
帝二年封長寧縣公及答稱帝位散騎侍郎起部尚書  
善方性清慎有當世幹能故答委以機密卒贈太常卿



謚曰敬所著文集十卷有七子並有操行之元之利之  
象最知名之元太子舍人早卒之利仕隋位零陵郡丞  
之象仕隋尚書虞部員外侍郎邵陵上宜渭南邯鄲四  
縣令

宗如周南陽人有才學以府僚隨答後至度支尚書如  
周面狹長答以法華經云聞經隨喜面不狹長嘗戲之  
曰卿何爲謗經如周蹶踏自陳不謗答又謂之如初如  
周懼出告蔡大寶大寶知其旨笑謂之曰君當不謗餘  
經正應不信法華耳如周乃悟又嘗有人訴事於如周

謂爲經作如州官也乃曰某有屈滯故來訴如州官如  
周曰爾何小人敢呼我名其人慙謝曰抵言如周官作  
如州不知如周官名如周早知如周官名如州則不敢  
喚如周官作如州如周乃笑曰令卿自責見侮反深衆  
咸服其寬雅

袁敞陳郡人祖昂司空父仕後安成內史敞少有識量  
博涉文史以吏部郎使詣周時王者以敞班在陳使之  
後敞周不從命曰昔陳之祖父乃梁諸侯心吏盜有江  
東今周朝宗萬國招攜以利若使梁之行人在陳之後



便恐彝倫失序豈使臣之所望焉主者不能屈遂以狀  
奏周武帝善之乃詔敞與陳使吳口而進使還以稱旨  
遷侍中轉左戶尚書從琮入隋授開府儀同三司終於  
燕州刺史

年記卷第八



